

10. nóvember 2011

Alþingi
Erindi nr. P 140/69
komudagur 10.11.2011

LANDSSAMBAND
smábátæigenda



Efnahags- og viðskiptanefnd Alþingis

Efni: Umsögn um frumvarp til laga um tekjuskatt
(skilyrði sjómannaafsláttar), 62. mál

Í frumvarpinu er lagt til að sjómannaafsláttur skuli áfram vera við líði. Landssamband smábátæigenda er því sammála og tekur heilshugar undir að sjómenn njóti áfram sjómannaafsláttar.

Upplýsingar sem dregnar eru fram í athugasemdum frumvarpsins um sjómannaafslátt annarra þjóða eru sérlega athyglisverðar og sýna glögg að Íslendingar eru ekkert eyland í því að virða sjómannsstarfið. Gildandi lög leiða þjóðina til einangrunar er varðar beina viðurkenningu á starfi sjómannsins. Með frumvarpinu er snúið af þeirri braut og því fagnar LS.

Að lokum vill LS benda á eftirfarandi:

- Sjómenn njóta ekki fulls aðgengis að opinberri þjónustu.
- Á sjó er hærrí slysatíðni en í öðrum starfsgreinum. Nauðsyn trygginga er því meiri en annarra starfsstétta, tryggingar víðtækari og iðgjöld hærrí.
- Sjómenn eiga erfiðara en aðrar starfsstéttir með að aðlaga sig að öðrum störfum.
- Útflutningsverðmæti sjávarafurða 2010 var 220,5 milljarðar sem er 39,3% af heild það árið.

Virðingarfyllst,

Örn Pálsson framkvæmdastjóri

Alþingi
efnahags- og viðskiptanefnd
Austurstræti 8
150 REYKJAVÍK

Reykjavík, 14. nóvember 2011
R2011110037

Alþingi
Erindi nr. P 140/112
komudagur 14.11.2011

Efni: Umsögn ríkisskattstjóra um frumvarp til laga um breytingu á lögum nr. 90/2003, um tekjuskatt - 62. mál, þskj. 62.

Ríkisskattstjóri hefur þann 10. nóvember 2011 mótttekið tölvupóst þar sem embættinu er gefinn kostur á að veita umsögn um ofangreint þingmál.

Með frumvarpinu er lagt til að sjómönnum verði áfram tryggður sjómannaafsláttur sem verði að færeyskri fyrirmynd um fiskimannafrádrátt. Í athugasemdum með frumvarpinu kemur fram að frumvarp sama efnis hafi verið lagt fram á 139. löggjafarþingi en hafi ekki hlotið afgreiðslu.

Af þessu tilefni vill ríkisskattstjóri taka fram að með lögum nr. 128/2009 voru ákvæði um sjómannaafslátt felld úr gildi í áföngum frá og með 1. janúar 2011. Að mati ríkisskattstjóra var sú ákvörðun pólitísk og metur embættið það sem svo að ákvörðun um að endurvekja afsláttinn sé einnig af sama toga og tekur því ekki afstöðu til þess. Ennfremur telur ríkisskattstjóri ekki ástæðu til að gera efnislegar athugasemdir við þá tilhögun á sjómannaafslætti sem er að finna í frumvarpinu enda yrði um tæknilega útfærslu að ræða.

Virðingarfyllt



SAMTÖK ATVINNULÍFSINS

Nefndasvið Alþingis
Austurstræti 8-10

150 REYKJAVÍK

Alþingi
Erindi nr. P 140/313
komudagur 18.11.2011


Reykjavík, 18. nóvember 2011

Efni: Umsögn um frumvarp til laga um breytingu á lögum nr. 90/2003, um tekjuskatt, með síðari breytingu, 62. mál.

Efnahags- og viðskiptanefnd hafa óskað eftir umsögn Samtaka atvinnulífsins um ofangreint frumvarp. Markmið frumvarpsins er að breyta ákvæði um sjómannaafslátt í lögum um tekjuskatt og færa reglur um skilyrði afsláttarins að færeyskri fyrirmynd um fiskimannafrádrátt. Samkvæmt nágildandi lögum er gert ráð fyrir að fjárhæð sjómannaafsláttar lækki ár hvert um afslátturinn fellur niður árið 2014.

Ákvæði laga um sjómannaafslátt sem kemur til frádráttar reiknuðum tekjuskatti sjómanna er ákvörðun löggjafans og snýr ekki að samningum um kaup og kjör. Rökin fyrir sjómannaafslættinum eru þau helst að þeir sem vinna fjarri heimilum geti ekki nýtt sér samneyslu í sama mæli og aðrir. Gæta þarf jafnræðis í skattkerfinu, þ.e. að þeir sem vinna við svipuð skilyrði séu skattlagðir á svipaðan hátt, t.d. aðilar sem einnig vinna fjarri heimilum og njóta ekki samneyslunnar með svipuðum hætti og sjómenn. Við breytingar á skattkerfinu verður að líta til allra starfsstétta, en ekki taka eina út úr, og hljóta þau hlunnindi sem felast í gildandi reglum um greiðslu dagpeninga að verða hluti slíkrar endurskoðunar. Þá kemur fram í greinargerð frumvarpsins að sjómannaafsláttur tíðkast víðar en á Íslandi, m.a. á öllum Norðurlöndunum.

Virðingarfyllst,
f.h. Samtaka atvinnulífsins



SJÓMANNASAMBAND ÍSLANDS

Sættúni 1 · 105 Reykjavík · Sími 561 0769 · Símbref 561 0774

Nefndasvið Alþingis
Austurstræti 8 – 10
150 Reykjavík.

Alþingi
Erindi nr. P 140/160
komudagur 15.11.2011

Reykjavík 15. nóvember 2011.


Efni: Umsögn um frumvarp til laga um tekjuskatt (sjómannaafsláttur), 62. mál.


Sjómannasamband Íslands hefur fengið til umsagnar frumvarp til laga um breytingu á lögum nr. 90/2003, um tekjuskatt, með síðari breytingum, 62. mál.

Frumvarp sama efnis var lagt fram á síðasta þingi og er nú lagt fram aftur óbreytt.

Sjómannasamband Íslands gaf umsögn um frumvarpið þegar það var lagt fram síðast og er engu við þá umsögn að bæta. Umsögnin sem gefin var síðast fylgir því hér með og gildir hún einnig sem umsögn um frumvarpið nú.

f.h. Sjómannasambands Íslands,


Hölmgeir Jónsson



SJÓMANNASAMBAND ÍSLANDS

Sætúni 1 · 105 Reykjavík · Sími 561 0769 · Símbref 561 0774

Nefndasvið Alþingis
Austurstræti 8 – 10
150 Reykjavík

Reykjavík 23. febrúar 2011.

Efni: Umsögn um frumvarp til laga um tekjuskatt (sjómannaafsláttur), 275. mál.

Sjómannasamband Íslands hefur fengið til umsagnar frumvarp til laga um breytingu á lögum nr. 90/2003, um tekjuskatt, með síðari breytingum. Frumvarpið fjallar um rétt sjómanna til sjómannaafsláttar. Í gildistöku a-liðar 24. gr. laga nr. 128/2009, um breytingu á lögum nr. 90/2003, um tekjuskatt, með síðari breytingum, sem samþykkt voru á Alþingi 21. desember 2009, felst að afnema skuli sjómannaafslátt í áföngum frá og með 1. janúar 2011.


Skerðingarferlið á sjómannaafslættinum í núverandi mynd er því hafið og gera nógildandi lög ráð fyrir að sjómannaafslátturinn verði að fullu fallinn brott 1. janúar 2014.

Sjómannasamband Íslands mótmælti á sínum tíma þeirri aðför Alþingis að kjörum sjómanna sem fólst í lagasetningunni þann 21. desember 2009 um afnám sjómannaafsláttarins.

Sjómannasamband Íslands ítrekar hér með þau mótmæli og telur engin rök fyrir því að ráðist sé sérstaklega að kjörum sjómanna eins og gert var með lagasetningunni 2009.

Í fyrirliggjandi frumvarpi er gert ráð fyrir að sjómannaafslátturinn verði tekinn upp aftur í annarri mynd en hann var áður en skerðingarferlið hófst. Sjómannasamband Íslands gerir ekki athugasemd við það með hvaða hætti sjómenn njóta sjómannaafsláttar. Aðalatriðið er að sjómenn njóti sjómannaafsláttar og að sá afsláttur sé ekki lakari en afslátturinn sem sjómenn nutu áður en skerðingarferlið hófst. Að mati Sjómannasambands Íslands yrði sjómannaafslátturinn til sjómanna síst lakari en hann var fyrir skerðingu verði þetta frumvarp að lögum. Sjómannasamband Íslands styður því frumvarpið og mælist til þess að það verði sem fyrst að lögum.

f.h. Sjómannasambands Íslands,


Hölmgeir Jónsson

Nefndasvið Alþingis
Austurstræti 8-10
150 Reykjavík

nefndasvid@althingi.is

Alþingi
Erindi nr. P 140/156
komudagur 15.11.2011

Reykjavík, 14. nóvember 2011
RH/SLB/056/2011

Efni: Frumvarp til laga um breytingu á lögum nr. 90/2003, um tekjuskatt, með síðari breytingum – 62. mál.

Vísað er til tölvubréfs dags. 9. nóvember 2011 þar sem óskað er eftir umsögn Tryggingastofnunar ríkisins um ofangreint frumvarp.

Vísað er til fyrri umsagnar Tryggingastofnunar ríkisins, dags. 23. febrúar 2011 vegna sama frumvarps, þskj. 318- - 275. mál.

Virðingarfyllt,



Sigríður Lillý Baldursdóttir, forstjóri
Tryggingastofnun ríkisins

Nefndasvið Alþingis
Austurstræti 8-10
150 Reykjavík

nefnasvid@althingi.is

Reykjavík, 23. febrúar 2011
RH/SLB/013/2011


Efni: Frumvarp til laga um breyting á lögum nr. 90/2003, um tekjuskatt, með síðari breytingum – 275. mál.

Vísað er til tölvubrúfs dags. 7. febrúar 2011 þar sem óskað er eftir umsögn Tryggingastofnunar ríkisins um ofangreint frumvarp.

Samkvæmt 2. mgr. 16. laga um almannatryggingar nr. 100/2007 skal Tryggingastofnun taka tillit til tekna skv. II. kafla laga nr. 90/2003, um tekjuskatt, að teknu tilliti til ákvæða 28. gr. sömu laga um hvað ekki telst til tekna og frádráttarliða skv. 1., 3., 4. og 5. tölul. A-liðar 1. mgr. 30. gr. og 31. gr. sömu laga eða undantekninga og takmarkana samkvæmt öðrum sérlögum.

Sjómannaafsláttur sem veittur væri á grundvelli 67. gr. laga um tekjuskatt hefði því ekki áhrif á greiðslur bóta frá Tryggingastofnun.

Virðingarfyllst,



Sigríður Lilly Baldursdóttir
forstjóri

Alþingi
Erindi nr. P 140/427
komudagur 24.11.2011



Nefndasvið Alþingis
Efnahags- og viðskiptanefnd
b/t Eiríks Áka Eggertssona
nefndarritara
Austurstræti 8-10
150 Reykjavík

Reykjavík, 24. nóvember 2011.

Efni: Frumvarp til laga um breyting á lögum um tekjuskatt (62.mál)

Viðskiptaráð þakkar nefndinni fyrir það tækifæri að fá að veita umsögn um ofangreint frumvarp sem felur í sér endurupptöku sjómannaafsláttar.

Viðskiptaráð Íslands hefur mælt fyrir einföldun á skattkerfi og gegnsæjum reglum. Mikilvægt er að kerfið sé einfalt í framkvæmt og auðvelt í skoðun, jafnræðis verður að gæta meðal mismunandi stétta út frá skattalegu sjónarmiði. Þau sjónarmið sem liggja að baki sjómannaafsláttar í dag samrýmast ekki þeirri hugsjón. Uppruna hans má rekja til mun breyttari tíma en við búum við í dag. Forsendur þær sem lágu að baki honum á þeim tíma eru að mestu leyti ekki lengur til staðar. Af þessum sökum getur Viðskiptaráð ekki mælt fyrir endurupptöku sjómannaafsláttar í lög.

Virðingarfyllst,

Haraldur I. Birgisson

Haraldur I. Birgisson

Aðstoðarframkvæmdastjóri Viðskiptaráðs